



Klub poslanika Naša stranka- Nezavisni blok

Broj:
Sarajevo, 30.03.2020. godine

 BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 30-03-2020			
Organizaciona jedinica	Klasifikaciona oznaka	Redni broj	Broj priloga
01	50-1	735	20

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r g. Denis Zvizdić, predsjedavajući

Predmet: Sazivanje sjednice Predstavničkog doma

Poštovani,

U svjetlu pandemije COVID-19 virusa, ali i prateće potrebe zasjedanja Predstavničkog doma, te uzimajući u obzir da Poslovnik Predstavničkog doma eksplicitno ne nalaže fizičko prisustvo poslanika na jednom mjestu za potrebe održavanja sjednica, tražim da Kolegij Doma, u skladu sa članom 20. stav (1) j) Poslovnika, odluči da Poslovnik tumači na način da isti dozvoljava sazivanje i održavanje sjednica Doma posredstvom telekomunikacionih sistema, te da zaduži nadležne službe da osiguraju za to potrebne tehničke uslove.

U slučaju da Kolegij to ne uradi, u prilogu dostavljam Prijedlog dopune Poslovnika Predstavničkog doma Parlamentarne skupštine Bosne i Hercegovine.

S poštovanjem,

Damir Arnaut
Poslanik u Predstavničkom domu

Na osnovu člana IV.3 b) Ustava Bosne i Hercegovine i člana 186. Poslovnika Predstavničkog doma Parlamentarne skupštine Bosne i Hercegovine, na __. sjednici Predstavničkog doma, održanoj __. 2020. godine, Predstavnički dom usvojio je

DOPUNU POSLOVNIKA PREDSTAVNIČKOG DOMA PARLAMENTARNE SKUPŠTINE BOSNE I HERCEGOVINE

Član 1.

U Poslovniku Predstavničkog doma Parlamentarne skupštine Bosne i Hercegovine, u članu 73. dodaje se novi stav (4) koji glasi:

„U izuzetnim okolnostima, kada je to neophodno iz sigurnosnih razloga ili radi zaštite javnog zdravlja, Kolegij Doma može odlučiti da će se sjednica Doma održati uz učešće poslanika posredstvom telekomunikacionih sistema. Sekretarijat Parlamentarne skupštine Bosne i Hercegovine osigurava tehničke uslove za održavanje sjednica na taj način.“

Član 2.

Ova Dopuna Poslovnika stupa na snagu narednog dana od dana objavljivanja u „Službenom glasniku BiH“.

Predsjedavajući
Predstavničkog doma
Parlamentarne skupštine BiH

O B R A Z L O Ž E N J E

I. USTAVNI OSNOV ZA USVAJANJE DOPUNE POSLOVNIKA

Ustavni osnov za usvajanje Dopune Poslovnika sadržan je u odredbama IV.3 b) Ustava Bosne i Hercegovine i člana 186. Poslovnika Predstavničkog doma Parlamentarne skupštine Bosne i Hercegovine

II. RAZLOZI ZA DONOŠENJE DOPUNE POSLOVNIKA

Pandemija COVID-19 virusa (koronavirus) predstavlja izuzetnu opasnost po zdravlje građana Bosne i Hercegovine i javno zdravlje u našoj zemlji uopće. Istovremeno, neophodan je nesmetan i kontinuiran rad Predstavničkog doma. U takvim okolnostima je opravdano omogućiti održavanje sjednica Doma uz učešće poslanika posredstvom telekomunikacionih sistema.

Poslovnik o radu Predsjedništva BiH dozvoljava održavanje sjednica na ovaj način.

III. PRINCIPI NA KOJIMA JE PRIJEDLOG ZASNOVAN

Ovaj prijedlog dopune Poslovnika je zasnovan na principima hitnosti, društvene odgovornosti i potrebe iznalaženja rješenja za nesmetano funkcionisanje Doma u izuzetnim okolnostima.

Što se obrazloženja predloženih rješenja tiče, ona su kako slijedi:

Članom 1. je precizirano da u izuzetnim okolnostima, kada je to neophodno iz sigurnosnih razloga ili radi zaštite javnog zdravlja, Kolegij Doma može odlučiti da će se sjednica Doma održati uz učešće poslanika posredstvom telekomunikacionih sistema. Sekretarijat Parlamentarne skupštine Bosne i Hercegovine osigurava tehničke uslove za održavanje sjednica na taj način.

Članom 2. je precizirano da Dopuna Poslovnika stupa na snagu narednog dana od dana objavljivanja u „Službenom glasniku BiH“.

IV. PROCJENA FINANSIJSKIH SREDSTAVA NEOPHODNIH ZA PROVOĐENJE ZAKONA

Za provođenje ove Dopune Poslovnika nisu potrebna posebna finansijska sredstva.

V. DRUGE OKOLNOSTI

Ovaj zakon uvažava preporuke domaćih i međunarodnih organizacija da se osmisle inovativni pristupi u borbu protiv COVID-19 virusa.

Takoder, uvažavaju se novonastale okolnosti, te se primjenjuje odgovoran pristup prema ovoj pandemiji i očekivanjima građana.